



Universitätsbibliothek Paderborn

Praxis Episcopalis

In Qva Episcoporum Non Tantvm, Eorvmqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolviones ... quām brevissimè
continentur

Zerola, Tommaso

Coloniae Agrippinae, 1680

Sepulchrum Christi.

urn:nbn:de:hbz:466:1-10447

in sententiis criminalibus causa debet
poni.

Quintò, sententia prolatá super præsentatione vel electione, ut v.g. de institutione præsentati, vel confirmatione electi, an sit interlocutoria solum, vel interlocutoria habens vim diffinitivæ, vel diffinitiva, vide Gem. in c. fin. ver. secundò nota. & gl. de elec. lib. 6. ubi dicit, si causa sit inter partes, in contradictorio judicio habes vim diffinitivæ, si non sit solenniter, vim interlocutoriæ, si solemniter, & non inter partes, vim diffinitivæ etiam, quod deservit pro declaratione sac. Conc. Trid. sess. 24. c. 20. de refor. & di. Quid est in 1. p. ver. appellatio, §: 1.

SECRETUM:

Secretum non debet revelari, etiam prælato præcipienti sub pena excommunicationis, quando non potest probari, vel non præcesserit infamia, vel indicia, Sot. de rat. teg. secr. fol. 119. D. Th. 2. 2. qu. 92. secretum sigilli confessionis nunquam, sed vide in præct. pen. c. 20.

SUBDITI:

Subditi, qui dicuntur? Respondetur, quod non solum ratione originis, vel domicilii, sed ratione delicti, contractus, rei sitæ, & beneficii, cap. fi. de for. comp. & c. Romana, §. contrahentes, eod. lib. 6. & ibi Covar. cap. valentes, de privileg. & hoc facit pro juribus antiquis, vel novissimis, & præsertim sac.

Conc. Trid. in cap. liceat, ubi habetur, Episcopum posse exercere iurisdictionem in subditos, & sic posset in omnes subditos, de quibus hic Addit. in Host. in sum. tit. de sent. excom. §. medium, litera C. facit quod dicit gl. in cap. nuper, in ver. tunc erit absolutio, de sent. excom. & gloss. in Clem. quamvis, in ver. subditos, de for. comp. & Gem. & Archid. in cap. cum Episcopus, versi. ex secundo, de off. ord. lib. 6. ubi dicitur, prælatum habere ordinariam autoritatem in aliquas personas ratione delicti, rei sitæ, & contractus, licet alibi habeant domicili.

SEPULCHRUM CHRISTI:

Sepulchrum Christi Domini nostri, non potest sine summi Pontificis licentia visitari, & non sine ratione, & ea potissima, ne leves homines terroribus, blanditiis, & vel cruciatibus infidelium à fide divertantur, D. Ant. 1. p. tit. 2. c. 3. §. 4. tract. de Iust. & Indulg. not. 30. n. 2. Reb. de brev. post. & alijs, nu. 35. ubi dicit hoc concedi per breve, vel per signaturam, si est præsens, vel absens impetrans.

SEPULTURA:

Primò, an habens sepulturam in aqua ejus capella, possit admittere, ut alii sepeliantur in ea, Navar. conf. 1. de sepult. videtur dicere, quod sic, per Clem. dudum, §. hujusmodi, de sepult. etiam sine speciali licentia Episcopi, hoc tamen ego limito, primò, ne procedat, quando ex hoc sequeretur præjudici.